

四庫禁燬書叢刊編纂委員會

北京出版社

四庫禁燬書叢刊

四庫禁燬書叢刊編纂委員會

北京出版社

四庫禁燬書叢刊

史部第二冊目次

皇明從信錄四十卷(二)

〔明〕陳建撰
明刻本

沈國元訂補

..... 一

新刻明政統宗三十卷附一卷(一)

〔明〕涂山輯
明萬曆刻本

..... 八九

皇明從信錄四十卷(二)

〔明〕陳建撰 沈國元訂補

明刻本

北京大學圖書館藏

秀水沈國元述

乙未 萬曆二十三年

正月議日本封事時禮部議日本原有王未諗存亡關白或另擬二字或即以所居島封之行長以下量授指揮衛賞賚有差

上竟准日本王號給金印行長准授都督僉事已總督傳諭長語枝梧且日本王見住山城有文祿三年曆可証與小西飛稱國王爲信長所弑互異乃與遼鎮都御史李

龍六可疑五可慮

職漢字恐中間兩

請從禮部量封秀吉順化王罷遣沈惟敬募水兵而清正素不服關白與行長不相能可用魯連諭燕將計時封使已發竟不從值倭坐營陳雲鴻報熊川島倭船三十六號業起行歸巢石司馬遂信封事必可成矣

東考

二月會試禮部尚書文淵閣大學士張位掌詹事府吏部侍郎劉元震克主試官取湯賓尹等三百人

會試前一日有舉子夜夢見服一人坐殿上召之入試試目一紙有晉元帝恭默思道七字翻飛不定與易水生爭逐之爲彼先得及入會場第一題是司馬牛問仁章所謂晉元帝者晉姓司馬元帝牛金所生今爲司馬

牛恭默思道是初言其年會元湯賓尹則易水生也大物固是天定信哉

三月廷試賜朱之蕃湯賓尹孫慎行等及第出身有差是科蔡復一吳案劉尚朴朱光祚荆養喬林欲棟劉尚質俱年少未娶而尚朴僅十七尤奇何宗彥劉一燝俱入閣孫如游尚書

考選庶吉士十八人高承祚何宗彥白瑜黃志清孫如游陳之龍劉餘澤郭汨卮祺劉綱南師仲趙用光朱廷禧鄧士龍劉一煜梁有年林秉漢顧秉謙以侍讀劉元震劉楚先教習

總督邢玠乘傳至蜀中察承寧酉陽堅馬千斛皆與龍通姻媾而黃平白泥諸司久爲僞變計先剪其枝黨以檄曉譬應龍大畧稱引咎劉王果事宜國威稜龍來當待而不死不者國家懸萬金購而頭若早爲計吾不而欺也當是時七姓惟恐龍出得除罪而四方亡命閭匿其間又幸龍反因以爲利縣道文移輒從中阻總督復使詣龍所問狀檄撤茶江烏江兵諭秦民勿擾龍漸有悔心矣會水西宣慰安疆臣請父國亭卹典兵部尚書石星手札示疆臣趨應龍就吏得賈昇時御史吳禮嘉以水西與龍世好心疑之疆臣益自厲奉札至播招應龍低回久之而驛

所奏
奏民
奏民

重慶王太守且至王太守士琦多大器總督特檄詰其江
趨應龍安穩聽勸太守屬其江令及經歷李應春游擊吳
文傑前往宣諭應龍乃令其弟兆龍等至安穩治郵傳儲
侍郊迎叩頭致餽資餼牽如禮曰應龍久縛渠魁待罪松
坎所不敢至安穩以安穩故多秦民也使君幸枉車騎臨
貺松坎敬布腹心其江令具言太守太守曰松坎亦暴秦
勘地也即以五月八日單騎往松坎應龍果面縛道周泣
請死罪膝行前席叩頭流血請得比安國京國亨難亦被
誅懼罪不出界上今安穩乃其江所部地廣大請治公館
執罪人及罰金獻庭中太守為請總督委兩贊畫及道府
並以七月廿四日詰安穩應龍因服郊迎前伏縛獻黃元
阿其阿苗等十二人案驗抵應龍斬以表法得前賊輪四
萬金助採木仍革職于朝棟以土舍受事次子可棟署府
追贖黃元等泉斬重慶市總督以聞是時倭氛未靖大司
馬欲緩應龍文罔專事東方
上亦念應龍向積勞可其奏蜀兩臺因議以黃平草塘白
泥餘慶重安五司暫改屬黃平倅故事黃平倅治獄訟賦
稅而五司襲替貢馬表箋須宣慰印符宣慰多以此難五
司故也初川東兵備巡播州殿最土吏給事中陳尚象疏
如舊便總督請于桐梓婁家丁山赤水間設撫夷同知東

一
之
之

漢巡司移置松坎並允從論功賞賜總督那珅以下
加珅右都御史歸朝重慶守王士琦即陞川東兵備使
彈治之應龍再及寬政乃益怙終不悛每念五司七姓奴
輩害我必盡刀組釋忿而次子可棟尋死重慶則益心痛
分遣夷目置關據險僭立巡警江內七牌江外四牌搜獲
秦民劫掠屯堡無虛日厚撫諸苗用以摧鋒各硬手州人
稍殷厚者因事誅之沒其家以養苗于是諸苗人願為之
出力矣出征
播考
加奴兒哈赤龍虎將軍
奴兒哈赤修姓故建州枝部也其祖叫場父塔失並及
于阿台之難乃走自雄東方漸北侵張海色失諸苗蠻
食之會色失為孽侄英輩仇殺往投奴苗搜獲無子遺
張海等因奔海西南開都督及商是時海西北關遺孽
卜寨那林字羅方連西虜以兒郎等攻及商急奴兒哈
赤以乃商匿仇并連那卜二酋圖及商朝議諭乃商
歸海約婚奴苗罷兵是後奴兒哈赤亦時時于撫順諸
堡送所掠人口自結于漢居頃之有住牧木札河部夷
克五十等掠柴河堡射追騎殺指揮劉斧走建州宣諭
奴酋即斬克五十以獻乞陞賞又因貢夷馬三非連祖
父與圖王泉阿台有殉國忠今復身率三十二酋來

塞且鈴東建州毛憐等術駱馬起貢請得陞職長東夷
 時開原參政成通達海參政栗在庭會查本夷原領勅
 二十道係都指揮伊祖父為鄉導勦王果後並死兵火
 良然今奴兒哈赤屢還漢人口且斬克五十有功得陞
 都督制東夷便總督侍郎張國芳以聞報可時萬曆
 十七年九月也奴兒哈赤既竊名號夸耀東夷則勢
 愈強後三年倭陷朝鮮中朝徵兵檄如兩貢夷馬三
 非乃稱建州與朝鮮錯壤奴酋忠義控弦數萬可檄征
 倭報効不果而奴兒哈赤方與那卜二酋構會那卜二
 酋殲及商則併討妻安明姐被搶請勦亦桀罷然奴兒
 哈赤竟殲下寨旋以保塞功至是得加是秩視王台時
 矣出建州
直考

丙申 萬曆二十四年

正月先是東封之使久稽觀望訛傳不一至是方抵益山
 而沈惟敬又詭云演禮同行長先渡海私奉秀吉蟒玉璽
 善冠及地圖武經又驅壯馬三百南戈崖騎從陰獻秀吉
 娶阿里馬女與倭合宗城故紕袴子詠親從言倭臣淵四
 月三日乘夜易服奔印勅道遠撫鎮馳奏倭報惟敬就縛
 上逮問宗城議戰守會副使楊方亨受惟敬誠揭倭情無
 變改命科臣往廷臣交章請罷封
 上責規避抗違下御史曹學程于理竟以方亨充使加惟
 敬神機營銜為副惟敬因得舞智搗靡巧完封局弄司馬
 殷掌矣出建
東考

七月楊應龍肆逆劈餘慶土吏毛雲乘棺磔其尸又掠石
 阡都瀾焚劫餘慶草塘二司逼及典隆偏鎮都司各衛已
 又遣北龍引兵圍黃平戮及重安司長官張家出建
直考
 時奴兒哈赤附貢夷稱奏總五十二酋捍虜勞苦乞折賞
 及援董狐狸例懇蟒段加賞五百兩下部咨議出建
直考
 是年輔臣陳于陞卒謚文憲

丁酉 萬曆二十五年

正月湖廣苗變寶慶府城步縣護印照磨梅蕃祚條議撫苗方畧時城步去任元知縣因丈苗田致苗叛扈當經請詳捕獲苗雷晟聰藍進梅監候另捕江通海等聽候歸結間元知縣遂因苗變改官諸苗恐有擒勦之禍而當事者紛紛無定乃條上曰看得城步縣乃楚之西南絕徼控五崗四十八寨之扼口苗夷環繞僅西北通武岡一路縣民所居不甚輻輳大都苗居十九民居十一若其地產之利苗獲十九有餘民得十一不足考之賦稅則民又十倍于苗雖苗之戶口田糧載于冊版同歸天府然苗田從來

皇明各條

卷三十八

免其清丈糧米惟任自相耕辦曾未問其孰甲孰乙孰多孰寡即諸苗多有自相轉賣者亦未問其誰盈誰縮也苗糧舊額一百八十餘石續因洪武永樂景泰天順等年諸苗屢次猖獗累經調兵勦平然糧額漸減僅納至八十石而所減百石之糧悉派于七里包賠竟不取足于苗至萬曆二十一年始得議免寧為七里豁除終不料之苗此明借八十石之糧為驅摩之制耳苗尚之境外逼廣西古田天水一帶皆散苗盤據出沒為祟嘉靖三十八年沒入城步踰城劫庫比得本處苗寨諸苗追戕殆盡帑金全歸散苗至今不敢東望朝廷念其微勞定為三年五年大賞

小賞之格所賞甚微而苗人攜老挈幼赴縣叩領舞竹解謝未始不欽遵王法此益餒制馭之妙用竊縻之寔效

也近因元知縣進崗丈田崗苗雷晟聰糾黨阻丈厲詞惡態體統掃地但肇禍之端寔開自縣民薛思祖等當時下城步浮糧三十石原經攤入七里代納以抵下城步增納條銀之數乃薛思祖等倡為告謬浮糧之說糾歛七里鄉愚使費後事不行銀皆侵破無以辭于七里又復創為民買苗田避重就輕合行清丈作數以抵下城步浮糧元知縣遂然其說不知此乃薛思祖等借公行私更圖挾詐客民之買苗田者或丈或免任其開報名曰效忠寔則謀利而李進安等又從吏引導遂致元知縣深受其害而雷晟聰之阻路撓丈誠有授之以意者蓋典苗田之人盡皆本縣吏胥及寄籍客戶元知縣既欲清丈起科以抵浮糧而典田者惟恐不利于己乃激苗以回曠畝累之說雷晟聰等遂倡眾攔阻元知縣既已改官而啟釁造謀者竟令漏網何哉至如江通海藍進梅並置之阻丈行兇之列似屬風馬牛安得不令嗷嗷乎近日羅再慎羅奉清越崗圖詐成聰之家以致被執寔再貴之所自召且雷進金已認放歸而再慎風清自不欲出此犬羊之性不可以理諭者祚初到城步之時正羅再慎被執之什雷晟聰藍進梅妄

封贈臣
秀吉小
飛亦剛
臣行長
臣家康
總綱也

出獄紛紛訴詞羅再貴又與羅進金等洶洶求勝每日帶刀入城進縣告擾攔牛一畝苗糧不見如期完納及明白開諭曉以禍福漸覺稍稍相安苗糧俱已完倉覺其惡態盡消所以不敢申報者正恐張皇視聽買田之衆又生事端益起苗疑急則罔國生變且據雷進金藍進梅近日所告之詞迴與前日懸絕但欲求出毫無異言竊恐事久不決疑畏益生縣獄防閑久疎虞有出柙之患當責令雷進金楊再聰放出羅再禎等二人仍令江通海自出投到聽勘况苗非我類可以德感難以專任法制戒步邊徼小邑土瘠民貧武備廢弛難與戰守萬一畝寨糾合而來蹂踐

在所不免稱兵勦伐必至殘命傷財收拾之難萬萬倍惟當察止戈之議擴祝網之仁矜其無知宥其既往俾得渠魁自獻不勞攘授甲兵豈特諸苗沐再生之德而一縣人民亦可以帖于衽席矣

二月復議東征時封事已壞而楊方亨詭報去年六月
五從釜山渡海九月二日于大版受封即以四日回和泉
州然倭責朝鮮三子不往謝留釜山如故謝表後時不發
方亨徒手歸至是沈惟敬始投表文案驗潦草前折用豐
臣圖書不奉正朔無人臣禮而寬奠副總兵馬棟報清正
業擁二百艘屯機張營方亨始直吐顛末委罪惟敬并本

兵前後手書進 御覽而惟敬辱 國及本兵彌縫罪狀
奉 旨勘如律于是以總督尚書邢玠經畧麻貴從延綏
改備倭爲大將軍而經理朝鮮特 勅僉都御史湯錫天
津亦開府申警備

初惟敬本一無賴。石司馬誤中其游說。借款息兵。意雖爲國。而堅于持議。遂警通國之言藉口省餉。盡徹戍兵。欲倚小人成功。難矣。封使久羈。亦稍稍疑。數遣心腹偵探。復飾詞迷悞。自甘欺罔。至欲媚

上以珍珠鵞鵠防東廠官技漏言此真老而天奪其魄惟敬小人何所不至令早如遼督撫言罷遣而劉綎吳惟

忠等防戍不盡撤亦何至譟張潰裂也大臣謀國惟公與虛難矣哉蓋前後凡七年而邢司馬奏殲倭海上出征三月楊應龍流劫江津縣及南川

五月九日麻將軍貴抵遼陽十八日望鴨綠東發所統兵止萬七千人請濟師經畧疏請募兵川浙并調薊遼宣大山陝兵朝鮮惟閉山水兵一枝稍勁請益調福建吳淞水兵而劉綎督川漢兵六千七百聽防剿與麻貴各建牙麻將軍密報候宣大兵至乘倭未備先取釜山經畧謂一取釜山則行長擒清正走此奇着快人而勢未可乘初擬揚元吳惟忠分屯全羅之南原慶尚之大丘慶州大將軍駐

王京居中調度而南原城圯盡樵芻不繼慶尚一道半爲賊據孤軍難入乃檄楊元趙餉整理南原吳惟忠扼忠州七月麻將軍至碧蹄計至王京去釜山千四百里而南原忠州並相去數百里勢難趨搗且行長營釜山清正營西生浦如破釜山陸路必由梁山梁山西北有峻嶺止容雙馬路險絕南有三浪大江直通金海竹島二處皆咽喉地倭並伏勁兵水路必由巨濟加德安骨三處亦咽喉加德安骨有倭船鱗次巨濟尚無兵屯此應先據恐一過梁山三浪江倭水陸各一枝在梁山東西扼險吾後無應援再益以機張等兵自東來益不可當如破清正陸路自西而東則由東萊機張自北而南則由慶州蔚山此路東南大海西北山嶺稍田止可用步兵水路必自東而西由長鬚甘浦開雲長鬚水兵極單弱倭所依者水而水戰不利正兵須東西各小兵一枝牽其回顧陸兵方可衝突仍一軍屯南原捍全羅一軍屯大丘扼慶尚一軍屯全慶中如晉忠宜寧爲中堅然後分向釜山機張兩陸路水兵東西四面齊發此正着而兵糧不齊難輕動踰聞上諭與經理圖進止大學士張位等請于開城平壤開府屯山西接鴨綠旅順之師東爲王京島嶺之援因山鼓鑄以爲軍興又言招南兵不若求南將傳示朝鮮其王虞

中朝吞併乃踞稱朝鮮舊有三都漢城開城平壤也今並殘破所居漢城亦荆棘未除小邦形勢全慶二道爲重慶尚門戶全羅府藏也無慶尚則無全羅無全羅則雖有他道終無所資以爲根本斯乃倭所必爭我所必守倭若據全羅則遠之西海一帶近之珍島濟州皆爲窟穴縱橫無所不通便風一二日抵鴨綠即開城平壤不足爲固往往壬辰倭陸抵平壤又從水犯全羅繞出西海幸舟師扼于閑山島今倭據慶尚左右道而釜山西生浦爲其巢穴對馬釜山間海釜數百里爲其糧道得于慶尚要害設險屯積兵餉時以輕兵相機攻剿從陸地以感其勢而又以利艦銳卒出沒海上邀截其後庶幾有濟若屯田則地上屹岫終不如南方遠矣六月倭數十艘先後渡海分泊釜山加德安骨等處發九如兩礮朝鮮郡守安弘國已復往來竹島漸逼梁山熊川初沈惟敬率營兵二百出入釜山宜寧與倭合探事不諧便舉是入倭經畧向切齒諺爲慰藉惟敬漸移南原上釜山七百里經畧即以屬楊元先假更換撤其營兵後惟敬開上罪石司馬而倭酋平調信益兵進犯乃爲起宜寧會行長之說暗欲走倭調信果以倭五百來迎楊元聞即襲殺

之惟敬執而倭勢導始絕倭已奪梁山占三浪則遂入慶州侵開山

七月十五夜襲茶川長統制使元均風靡遂棄開山要害

倭駐巨濟開山島在朝鮮西海水口右障南原為全羅外

藩一失守則沿海無備天津登萊皆可揚帆而我水兵止

漸三千甫抵旅順經畧檄且哨且行赴開山協守開山破

則守王京以西之漢江大同江扼倭西下兼防運道

八月十二日倭圍南原守將楊元本債帥無固志十六夜

倭猝乘城元驚起帳中跳足遁時全州有陳恩衷忠州有

吳惟忠各扼險而全州去南原百餘里勢相犄角恩衷初

至州無斗根及勘十里外山寨中多貯米菰弓矢蓋朝鮮

苦我兵甚于倭不欲在州遠貯山谷者恐倭土反為寇助

也南原告急恩衷懦不發兵聞已破而州民爭棄棄城去

麻將軍急遣游擊牛伯英赴援與恩衷合兵屯公州倭遂

犯全羅逼王京王京為朝鮮八道之中東臨為島嶺忠州

西臨為南原全州道相通自二城失東西皆倭我兵卑弱

因退守王京依險漢江麻將軍日夜遣筏通我師防倭暗

襲而發兵守稷山朝鮮亦調都體察使李元翼山島嶺出

忠清道遮賊鋒經理身赴王京躍馬論以死守人心始定

東考

山征

京省主試官順天中允全大叙修撰焦竑應天諭德朱國

祚中允葉向高浙江編修楊道賓吏科給事中戴士衡江

西編修董其昌戶科給事中程紹福建編修劉曰寧兵部

員外黃燦湖廣編修馮有經兵部主事馮上知河南尚寶

司卿將泰芳兵部主事李長庚山東吏部主事錢養廉工

部主事沈朝煥山西光祿寺少卿何倬大理寺評事石九

奏陝西兵部主事田立家中書舍人吳仁度四川刑科給

事中李應策中書舍人侯執躬廣東戶部主事鄧原岳行

人陳嘉訓廣西工部主事張宗孔行人汪若霖雲南戶部

主事王大合行人沈時來貴州中書舍人鍾兆斗

詔加兩京監生中額十名不為例是科解元徐光啟後縣

進士入翰林少詹兼監察御史管理練兵多所建自時未

建用

順天場中取士文多奇詭用老壯語論者因言中有關

節偏坐副考焦竑調福寧州同知中式數人亦被革黜

然皆高才博學文奇僻有之而關節未也至庚子科中

條議科場事宜亦及此謂宜以離經論論而不宜旁及無

根且正者已自認難護而偏坐尤非元考

九月副將解生游擊牛伯英頗貴于稷山水源設伏各有

斬獲恭將彭友德等亦報追倭至青山獲級百十六軍聲

卷三

益振經畧乃移印中董漢儒屯義州海防使蕭應宮屯平壤又聲言調南北水陸兵七十萬旦暮至福廣浙直水兵直搗日本倭聞風遂不敢進行長奔井邑離王京六百里

清正踰竹嶺奔慶尚離王京亦四百里

十一月經畧渡鴨綠二十九日抵上京共議進剿而所謂

宜大延浙諸勝兵並集乃分三協左李如梅右李芳春解

生中高策並以副總兵分將時監察為御史陳效

上復賜經畧尚方劍重事權經畧乃令麻將軍同經理諭

左右協自忠州烏嶺向東安趨慶山專攻清正恐行長白

西來援令中協兵馬近宜城東援三協西扼全羅援倭又

于三月名傳

卷三

二十五

于三協中摘馬兵千五百同朝鮮合營由天安全州南原

而下大張旗鼓計攻順天等處以牽行長我師陸路粗備

獨水兵屢檄不至既大聚兵經畧與麻將軍于十二月二

十日會慶州探倭屯蔚山蔚山之南島山並不甚高而城

皆依山險中一江通釜寨其陸路間由彥陽通釜山麻將

軍欲專攻蔚山恐釜倭由彥陽來援令中協高策吳惟忠

等扼梁山左協董正誼等赴南原張疑又遣右協盧繼忠

兵二千屯西江以防水路援于二十三日從蔚山進攻游

擊擺寨以輕騎誘倭入伏獲級四百餘倭盡奔蔚山于前

連築三寨異日游擊率國器統浙兵先登連破之獲級六

功盡
復陽

百六十一倭堅壁不復出島山礮蔚高石城新築堅甚我

師仰攻多損傷諸將白倭艱水道餉難繼第圍守之清正

可不戰縛也經理以為然分兵圍十日倭至嚙紙充饑

飯先用礮者倭從隙用礮發命中彈皆碎鉄為之中多量

雙賊我師稍息佯約降緩攻而行長來援行長亦慮我襲

釜營止選銳倭三千虛張幟蔽江上頃之經理聞報即倉

皇撤兵倭襲兩協棄輜重無算經畧乃移各兵回王京圖

再舉而贊畫主事丁應泰疏劾經理楊鎬喪師黨欺

上罷鎬命兵科左給事中徐觀瀾往勘併勸大學士張位

開任以位密揭薦鎬奪情破倭今乃朋欺債事故也

出東

卷三

二十五

時楊應龍臨合江索其誓表于升綬城下誓割之石砣

宜撫司土舍馬千駒入播先是千駒母單與應龍私單龍

千駒謀奪長子千乘爵于是聘應龍次女為壻援因絲朋

奸所從來矣

出播
州考

黃鶴樓雄峙武昌是年一日無故自火延燒千家黃鶴

之磯民洶智井者一人入不出一人繼之口如有他虞

我撼繩鈴憲上我其人入見前入外傍有大穴有火光

俄一人冠方山冠着絳袍持刀來逐之其人大呼撼鈴

起駭幾處魁為人言如是聞之監司欲夷其井一夜自

滿有狐從漢陽門入陰雨作人哭毒之無有民間見龜

蛇大聞後龜蛇俱死自此以後水旱饑饉相仍逾年
事與全楚被推死及逼死者不可計其後民殺其黨與
幾千人明年諸宗懷金之變起殺一大臣王子伏斧鑕
者數人

海外有浮提國其人皆飛仙好行游天下至其地能言
土人之言服其服食其食其人樂飲酒無數亦或寄情
陽臺別館欲還其國一呼吸頃可萬里忽然飄舉此恍
漾之言然萬曆丁酉年葉侍御永盛按江右有司呈市
上一群狂客自言能為黃白事極飲娛樂市物甚侈多
取珠玉綺繡償之過其直及抵暮此一行忽不見語

其述旅衣囊則無一有比早復來甚怪之請得大搜索
葉不許第呼召至前果能為江右土語然不諱為浮提
人亦不謂黃白事果難為也手持一石似水晶可七尺
許置之于案上下前後物物入鏡中極寫毛芥又持一
金錢小函中有經卷烏梢線字如般若語覽畢則字飛
顛持此二者為獻葉曰汝等必異人所獻吾不受然可
速出境無惑吾民各叩首而去

戊戌萬曆二十六年

正月東征經畧以前役缺水兵無功乃益募江南水兵講
海運為持久計

二月別將陳璘以廣兵劉綎以川兵鄒子龍以浙直兵先
後至而天津巡撫都御史萬世德代楊鎬或語經畧朝鮮
地里隔越山水險阻兵聚一處難以成功不若因地分任
人自為戰守經畧然其謀分三協為水陸四路路置大將
中路李如梅東路麻貴西路劉綎水路陳璘各守信地相
機行剿時倭盤據朝鮮七年沿海千餘里亦分三路東路
則清正據蔚山自去冬攻圍益增築西生機張在在屯兵

而待釜山為根本西路則行長據栗林屯橋建堅砦敗
患順天城與南海營相望負山襟水嚴據扼塞中路則百
曼子據泗川北恃晉江南通大海為東西聲援隆慶州兵
剽悍稱勁敵而行長水師奮休濟餉往來如駛尤倭繫重
經畧懲島山之失特于三路外置水兵一路約日並進而
中路李如梅尋調遼師以董一元代

會試以武英殿大學士沈一貫掌院事禮部侍郎曾朝楫
克主試官取顧起元等三百人

三月廷試賜趙秉忠邵景亮顧起元等及第出身有差
考選庶吉士二十一人黃國鼎張文光楊文瀛丘永寔洪

聘祖趙師聖周道登溫體仁李思誠楊希聖胡賓臣何如寵張邦紀周如磐張鳳翔黃陞王毓宗張光裕盛以弘孟時芳曾舜漁以禮部侍郎曾朝輯教習

先是御史喬璧星請改試期故事三歲開科八月鄉試明年二月會試至元仁宗始定從李孟之請也入國朝御史喬璧星監試以舉子重表以進便于懷挾請改三月用單夾衣則宿弊可清李廷机駁之曰如此則四月十五日殿試日煖如何操筆又其甚者不暴殺舉子耶眾閤然一哄遂寢

時張鳳翼有會試移期議一篇謂會試期移在三月其

便有五一在觀吏後從舟可省雇費二便于雲貴士子三減衣裘防閒甚易四膳錄無呵凍之苦五歸家無關河運舟之阻喬璧星之疏止得其一而未悉也

九月二十日分道進兵劉綎通行長營挑戰奪倭橋斬級九十二驅入大城陳璘舟師協堵擊燬倭船百餘麻貴抵蔚山與清正對壘捷險割其粮稻然溺甚多董一元進取晉州拔望晉乘勝渡江南連燬永春昆陽二寨倭退保泗川老營壓戰下之游擊盧得功殲于陣得級九十二前逼新寨三面臨江一面通陸引海為濠海艘泊寨下以千計寨金海固城為左右翼中通東陽倉

十月十一日董將軍一元分派馬步協攻步兵游擊茅國

器彭信古葉邦榮三營前攻城騎兵游擊郝三聘馬呈文

師道立柴登科四營後應步兵游擊藍芳威攻東北水門

副將祖承訓殿攻圍自辰至未彭信古用大槓擊寨門碎

城梁數處步兵齊至壕砍護城柵湧入忽營中槓破火藥

發烟漲天倭乘勢衝殺固城援倭亦至我師騎兵先潰遂

奔還晉州經畧查叅詔斬馬呈文郝三聘以徇彭信古

等克為事官董一元革官銜降府職三級各戴罪立功而

朝議以師久無功涸涸撤兵大學士趙志臯請令總督歸

鎮制虜以東方事專委新經理萬世德量留兵將分布

上令府部九卿科道集議兵科都給事中張輔之御史于

永清等疏爭乃一意進剿會福建都御史金學曾報平秀

吉七月九日死各倭首業有歸意我師因水陸乘勢夾擊

捷音日至

十一月十七日五鼓清正發舟先遁麻將軍貴遂入島山

西浦劉將軍綎因倭詐降夜半攻其不意遂奪曳橋獲級

百六十石曼子引舟師救行長遇陳將軍璘半洋邀戰行

長乘小艇倭泊露梁尚數百艘氛甚惡陳將軍璘統蒼曉

船追擊并林死石曼子得級二百二十四水為赤副將鄧

子龍朝鮮統制使李舜臣衝鋒陣亡南海蕩平倭遁錦山

藏焉出征
東考

鄧子龍南昌人驍勇善戰領兵征倭渡鴨綠江有物觸

舟取視之乃沈香一段把龍良久曰宛似人頭愛護之

每入夢則香木與首或對或協而為一後死于倭載尸

歸失其元取香木雕為首酷肖子龍善戰能盡其才亦

一時名將乃存時僅一偏將屢為言者所攻世之不善

容才乃爾沉香其殆憐而先知願與作伴作面目乎異

哉出彙
董將軍一元報據浙兵游擊孝國器稱參謀史世用持經

理論文往有石曼子用事郭國安內應石曼子遵諭先撤

各奔清東西始結局云捷聞

上發問金十萬兩犒賞丁應泰再疏賂倭賣國

上念將士冲冒矢石特諭優叙應泰回籍聽勸東征勸攻

改給事中楊應文東征

時兵備使王士琦調征倭楊應龍益統苗兵大掠貴州洪

頭高坪新村諸屯已又侵湖廣四十八屯阻塞驛站調原

奏警民宋世臣父鑾及羅承恩等挈家匿偏橋衛城襲執

指揮陳天寵等大索城中得鑾承恩及子女慘戮以殉令

諸苗對父奸女面大淫妻或裸體坐木叢射笑樂或燒蛇

從陰入腹人蛇俱斃又掘墳墓焚屍灰飛蔽天巡撫貴州

都御史江東之疏請防禦詔令擒獻惡自正法巡撫四

用都御史譚希思御史趙標請于合江綦江各置游擊一

員合江募兵千二百名扼岡門綦江募兵二千名扼安穩

部覆如議播州

安南進代身金人範用囚服面縛是年黎惟潭自以恢復

放罪視莫登庸有間為立面肅容狀閱驗嫌其倨令改範

俯伏焉鑄其背曰安南黎氏世孫黎惟潭不得蒲伏天

門恭進代身金人悔罪乞恩二十五字

按進金人代罪乃蓋燕文所以戲唐太宗者我朝宣

德中用之黎利仍陋習外諸大臣其未之改耶出小

瓊州士子赴提學試淑海甚艱嘉靖二十六年沒者數

百人臨高知縣陳垣與焉并失縣印其考貢之年地遠

不至者亦不復補

神宗初即位王忠銘先生瓊之安定人也入館即請于

朝以備兵使者攝之得允瓊士德之又建書院捐學田

立鄉約保甲之法兵使者通行一府地方以寧鄉人共

建生祠祀忠銘題曰崇報忠銘不敢當乃祀贈公而忠

銘耐焉吁為德于鄉而食其報若忠銘可以永矣

按忠銘諱弘諱質直忠厚工詩及書澹于名利幾入相

矣有阻之者終南京禮部尚書先已死與許文穆公主

會試時會元陶望齡狀元焦竑館選二十二人忠銘卽以是年南行至戊戌再起以考滿入京門下士在京正盛迎于郊外二十里有四衛門而下凡八十餘人極一時勝事得士報君若忠銘者卽不入相其何憾

朱子
漫記

宋志五八

已亥 萬曆二十七年

二月議大征播時黔撫令都司楊國柱指揮李廷棟部兵三千往勦楊應龍遣子朝棟帥兆龍何漢良等迎敵于飛練堡我師奪獲三百落賊佯走天邦圍誘罷我師殲之楊國柱罵賊不屈竟脅跪斬與經歷潘汝資等俱歿于是黔撫臣坐浪戰罷以郭子章代而蜀巡撫改總督特起前都御史李化龍兼兵部侍郎節制川湖貴三省兵事夙意征

勦

時東征業已完局而播州議復用兵劉綎督川兵先發麻陳董三帥並檄回以李承勛充禦倭總兵督留戊萬五千人前後生擒倭六十一四月十八日獻俘平秀政平正成並泉礫傳九邊

是日天氣清和獻俘於社成犬司冠蕭大亨領左右侍郎出班奏事長身偉貌燁燁有威時

上御午樓朝瞰正耀蕭跪御道兩侍郎夾之首僅及肘致詞先述官銜名姓及左右侍郎并請犯人某等礫斬末云合赴市曹行刑請旨凡數百言字字響亮舒徐宣畢俯伏

上親傳牽去二字廷臣尚未聞聲左右勦威接者二遍爲四乃有聲又爲八爲十六漸述爲三十二最下則大漢

將軍三百六十人齊聲應如雷矣出小

五月總督郭子章馳至蜀即請設標兵益調募所聞旗營將士先徵總兵萬鏊自松潘移重慶并調集鎮雄永寧各漢土兵設防

六月應龍乘我師未集大勦兵犯碁江分屯趕水貓兒岡婁國等以偏師一犯南川一犯江津其子朝棟守沙溪緝麻山防永寧宣撫與貴州十七日游擊張良賢遇賊舊東溪頗有斬獲念一日黎明應龍督苗兵圍碁江城數匝游擊房嘉龍誤焚火磚反傷城上兵賊乘勢登城嘉龍率師巷戰蜀兵爭謀走水上乃先殺其妻與良賢赴敵歿應龍

因劫令縱囚焚掠碁江失守則賊勢如出柙乘勢長驅計半日可抵重慶重慶失則蜀門戶去矣而賊方出碁江庫犒師依倉就食盡取貲財子女去老弱者殺之投屍蔽江下水為赤退也三溪以碁江之三溪母渡南川之東鄉壩立石為播界號宣慰官莊聲言江津合江皆播故土統兵清理遲回累日總督乃得日夜徵調漢土各兵守渝城獲奸細十六人沉于河分戍南川合江瀘州勢漸張賊亦遷延不進初賊本無意射天徒以安忍猖狂既覆我師飛練則騎虎勢不終下益結九股惡苗及紅黑脚等苗負險美兵然猶時與我如往局曲宵未敢鼓行深入止言爭界給

華井索奸奴而總督因我援師未集蜀人畏賊如虎成都兵甫出門即欲投錦江亦時時移文詰責示無遠絕意計以緩賊賊果具文求撫不復西向總督亦習作好語縻之止駐會城調度示賊無張皇已

上聞破碁江追禡兩省撫臣譚希思江東之各為民縱騎逮兵備使王貽德賜劍懸賞嚴旨進剿總督益調沿江南兵及武岡麻陽兵移粵西總兵陳璘攻湖廣駐偏貴州總兵董元鎮平越專候大舉出播州考

七月給事中楊應文勘東征功次共四路擒斬倭二千二百四十八宣捷祭告郊廟如例因題叙四帥首陳璘

次劉綎又次麻貴而董一元始破三寨終掃諸巢功亦難矣

上晉邢玠太子太保廕一子世錦衣指揮僉事賜金蟒萬世德陞右副都御史廕一子入監陳璘劉綎各加都督同知麻貴右都督廕一子世指揮僉事正千戶有差董一元准復職仍並給金幣部使董漢儒王士琦梁祖鎔等各加賞并賜兵部尚書田樂金蟒廕一子入監兵科都給事中張輔之職方郎中楊應聘並優擢再叙稷蔚功賜茅國需陳寅彭友德等金前經理楊錦以原官叙用已復念御史陳効殞命絕域廕一子錦衣而弃師楊元通倭沈